

- 1^r Von narren hab ich vß geseyt
- 2^r Do mit man doch wiß recht bescheydt
- 3^r Wer witzig sy / gantz vmb / vnd vmb
- 4^r Der låß myn fründ Virgilium /



Der wis man.

- 1 Eyn güt vernünfftig / witzig / man
- 2 Des glich man nit möcht *eynen* han
- 3 In aller welt als Socrates
- 4 Appollo gab jm kuntschafft des /

v iij

3^r vmb GW5046 GW5047] wmb GW5041 2 eynen] yenen GW5041 GW5046 GW5047

5 Der selb syn eygen richter ist
 6 Wo jm abgang / vnd wißheyt gbrist
 7 Versücht er vff eym nāglin sich
 8 Er acht nit / was der adel spricht
 9 Oder des gemeynen volcks geschrey /
 10 Er ist rotund / gantz wie eyn ey
 11 Do mit keyn frōmbder mackel blib
 12 Der sich vff glattem weg anryb
 13 Wie lang der tag jm krebs sich streckt
 14 Wie lang die nacht den steynbock deckt
 15 So gdenckt er / vnd wigt eben vß
 16 Das jn keyn wynckel jnn sym huß
 17 Betrüb / oder er red eyn wort
 18 Das nit glich wāg vff alle ort /
 19 Do mit nit fāl das winckel māsß
 20 Jo vāst syg / wes er sich vermāsß /
 21 Sunder all anlouff mit der handt
 22 Versetz / vnd bald hab abgewandt /
 23 So ist jm nit so lieb dheyn schloff
 24 Das er nit gdenck verr / vnd sich stroff
 25 Was er den langen tag hab gthon
 26 Wo übersehen er sich mag han /
 27 Was er by zyt solt han betracht /
 28 Vnd das zū vnzyt hab volbracht /
 29 War vmb vollendt er hab diß sach
 30 On zymlichey / vnd all vrsach /
 31 Vnd er vil zyt vnnütz vertrib /
 32 War vmb er vff dem anschlag blib
 33 Den er wol möcht verbessert han /
 34 Vnd nit den armen gsehen an

29 diß GW5041 GW5046] die GW5047

35 War vmb er jn sym gmüt hat vil
 36 Entpfunden schmerz / vnd wider will /
 37 Vnd war vmb er diß hab gethon
 38 Vnd hab jhens vnderwegen gelon /
 39 War vmb er syg so offt geletzt
 40 Vnd hab den nutz für ere gesetzt
 41 Vnd sich verschuldt mit wort / vnd gschicht
 42 Der erberkeyt geachtet nycht /
 43 War vmb er der natur noch heng
 44 Sin hertz zů zucht nit zyech / vnd zweng
 45 Also bewärt er werck / vnd wort
 46 Vom morgen / biß zů tages ort /
 47 Gdenckend all sachen die er düt
 48 Verwürfft das böß / vnd lobt das güt
 49 Das ist eyns rechten wisen mü
 50 Den jnn sym gdicht / vnß zeychet vß
 51 Der hochgelobt Virgilius
 52 Wer also lebet hie vff erd /
 53 Der wer by gott on zwifel werdt
 54 Das er recht wißheytt hett erkannt
 55 Die jnn fůrt jnn das vatterlandt
 56 Das vnß gott geben well zů hant
 57 Wünsch ich Sebastianus Brant
 58 Deo gratias.

47 Gdenckend *GW5046*] Gdenckendt *GW5041* Gdenck *GW5047*